

## PLOANIES SAN MARTIN Y LUNGIARÜ

En sabeda, ai 05 d'aurí, dales 14.45, Via Crucis da San Linert sö Oies por i ministranc y les schires joniles dla Val Badia - *ciarede plü avisa t'ultima plata*

Le KFV y la Uniun dles Ęres da Lungiarü inviëia dër bel picì y gragn al Tru dles Staziuns en vëndres, ai 11 d'aurí. I s'incuntun dales 16.30 te dlìja a Lungiarü por jì deboriada por le tru dles staziuns sö dala capela da Seres de San Ojöp da Oies. Dedò vëgnel ofrì val' da bëre y da mangé. Düc/Dötes é bel inviá da gní a tó pert.

La "Pilgergemeinschaft" organisëia la sabeda, ai 26 d'aurí na "Sternwallfahrt" da deplü posc de Südtirol cina Balsan a na mëssa dales 16.00 cun le Vëscò. Chi dla Val Badia s'incunta dales 7.30 a Longega - *ciarede plü avisa t'ultima plata*

### SAN MARTIN

La Uniun dles Ęres da San Martin mëta a jì n curs da inrissé üs da Pasca en jöbia ai 3 d'aurí dales 19.00 ales 20.30 sö dal Ciastel de Tor cun la referënta Rosmarie Verginer. Prenotaziuns 339 31 15 679. I posc da tó pert é limitá.

### LUNGIARÜ

Incö domënia, 30 de merz, "daidunse cun na Buna Jopa" do la gran Mëssa tl salf dl paisc. Cun l'offerta che vëgn trata ite, vëgnel dé sostëgn ala Misciun de suor Paola Glira por mituns desvantajá, ch'ai pois jì a scora. Org. KVV Lungiarü.

La Uniun di Seniors da San Martin/Antermëia y la Ciasa de Palsa inviëia al batadú tla Ciasa de Palsa a San Martin en vëndres, ai 11 d'aurí, dales 14.00. Iscriziuns cina en jöbia, ai 10 d'aurí, por telefon 0474 524700. Le cost da tó pert é de 20 € porom. Le batadú é davert a düc y al ves aspeta de bi pesc. Gnide tröc!

La Uniun Ęres Lungiarü mëta a jì por dötes les interessades y düc i interessá:

- N curs de LNB Motion - ginastica posturala cun Marisa Clara dai 23 d'aurí ai 18 de jügn dales 18.30 - 19.30 por 8 iadi dagnora le mercui tla palestra da Lungiarü. Le cost é de 85 € porom. Por infos y iscriziuns contatede Marisa 340 27 56 166.

- N curs de Yoga cun Giulia Moling por indöt 8 incuntades ai 15/4, 28/4, 06/05, 13/5, 20/5, 27/5, 3/6 y 10/6 dales 19.30 ales 21.00 tla palestra da Lungiarü. Le cost é de 120 euro porom. Por infos y iscriziuns contatede Giulia 347 58 60 697.

Curs de Ultimo Aiüt da ti sté dlungia a porones che é tl morí en vëndres ai 11 d'aurí dales 14.00 - 18.00 a Al Plan tl salf dla Cassa Raiffeisen - *ciarede plü avisa t'ultima plata tla pert daite*

### *Döt le bun a chi che complësc i agn d'auri*

- a San Martin** Paul Sorà che nen complësc 83 ai 15 d'aurí  
Sepl Frenes che nen complësc 86 ai 22  
Sepl Unterweger che nen complësc 96 ai 24  
Albert Costabiei che nen complësc 81 ai 26  
Anna Penazzi Ferdigg che nen complësc 87 ai 28
- a Lungiarü** Dorina Demattia Clara che nen complësc 81 ai 16  
Amalia Rives Mischi che nen complësc 91 ai 23



unitepastorala.org

## Plata dles Ploanies San Martin y Lungiarü

ploan siur Klaus Sottsas 344 15 54 055 - klsottsas@rolmail.net  
redaziun: anton.gasser@rolmail.net - 348 27 44 517 / 0474 523194

### 30.03. - 06.04.25 n. 18

termo por comunicaziuns: jöbia, dales 20.00

## 4ª Domënia de Carsëma C

### Vangele do san Lúca 15,1-3.11-32

Canche le fi plü vedl ê rové dlungia cíasa, aldîl sonan y balan. ....  
Dailò s'âl dessenè y n'orò nia jì ite. So pere indere é gnü fora y à porvè da ti baié bun. Mo al ti à respognü al pere: I te sorvësci bele tan d'agn, y mai n'ài fat val' cuntra tü comani; a mé ne m'aste mai scinché val', gnanca n asó, ch'i podess fà na festa cun mi amisc. Pornanch'al é rové adalersch chësc to fi, che à desmandrè to avëi cun prostitutes, aste lascè por ël tó ia le videl miorè. Le pere ti à respognü: Mi möt, tó es tres pro mè, y döt, cí che é mi, é inçe to. Mo sëgn messunse pö se ralegrè y fà festa; deache to fre ê mort y vir indô; al ê pordü y é indô gnü ciafè.



*Degun pere, degöna uma ó che so möt o süa möta s'un desdijes de d'ëi y sparësces da n de al ater tl nia.*

*Mo sce le fi o la fia é do n valgügn mëisc o agn indô te n iade dan porta? Ti sbat pa dailò i geniturs al möt o ala möta la porta tla müsa? Nou! Mai! Le fi o la fia é indô chiló, ma chël é ci che cunta.*

*Ora che le viadü é nasciü y é chiló, é les dories y le me passé.*

*Avisa insciö éra tla parabola de Gejú, canche le pere tol le fi ti brac.*

*Döt é indô apost; mo nia por vignun.*

*Tla parabola s'la baudia l'ater fi pro so pere: "Tó i os a d'ël plü bun co a me!" Y chiló unse indô n iade la confrontaziun che desdrüj la comunité y la ligrëza.*

*Le pere ti dá la resposta sora che é dërta: "I t'ó bun a te y a to fre!"*

*Le dër amur ne valutëia nia, ne stá nia a mosoré le deplü o le demanco.*

*Al tol ite y unësc, y fej insciö pormó la vita dëgna da la vire.*

T.D.

EDEMA - C	SAN MARTIN	LUNGIARÜ
<b>30.03.25</b> <b>4<sup>a</sup> Domènia de Carsëma C</b> <b>Domènia di Seminars</b> <b>cun oferta por i Seminars</b>  <b>ora da d'isté !!!</b>	<b>9.30 Corona</b> <i>(siur Klaus)</i> <b>10.00 Gran Mëssa por la comunité</b> en onur dl Spirit Sant + Emilia Vantsch Laner, dl ann + + Maria y Franz Chizzali	<b>7.50 Les Staziuns</b> <b>y soministraziun dl öre sant</b> <b>8.15 Gran Mëssa por la comunité</b> dl ann + Roslinda Deiaco <i>(siur Klaus)</i> dl ann + Sabina Deiaco + Frida Dapoz + + Sepl y Silvia Rives + + Regina y Iaco Mischi
31.03.25 <b>Lönesc</b> <i>Cornelia, Guido, Benjamin</i>		
01.04.25 <b>Dedolönesc</b> <i>Irene, Ugo, Gilbert</i>	<b>8.00 Mëssa</b> Benefaturs y jënt dla Ciasa de Palsa + Carlo Dejaco + Angelina Vanzi Baldissera	
02.04.25 <b>Dedemesaledema</b> <i>Francësch da Paola, Angel</i>	<b>18.00 Les Staziuns</b>	
03.04.25 <b>Jöbia</b> <i>Richard, Elisabeta</i>		
04.04.25 <b>Pröm vëndres</b> <i>Francësch y Iazinta da Fatima</i>	<b>18.30 Adoraziun chîta</b> <b>19.00 Mëssa</b> vis y def. fam. Trebo, Pension Tor	<b>7.00 Adoraziun</b> <b>7.30 Mëssa</b> por les püres Animes + Sepl Clara, Sanví
05.04.25 <b>Sabeda</b> <i>Vinzenz Ferrer, Crescenza, Iuliana</i>	<b>18.00-18.30 Confesciuns</b> <b>18.30 Mëssa prefestia</b> + Friedl Pedevilla + Alfred y Erica Videsott + Sergio Menegot, dl ann	
<b>06.04.25</b> <b>5<sup>a</sup> Domènia de Carsëma C</b>	<b>9.30 Corona por vocaziuns</b> <b>10.00 Gran Mëssa por la comunité</b> + Pire Ploner, dl ann <i>(don Marco)</i> + + + Rosalia, Alfred, fr. Martin, fr. Felix Ploner + Giovanni Unterweger + Maria Graffonara, dl ann	<b>7.50 Les Staziuns ciantades dal Cor</b> <b>8.15 Gran Mëssa por la comunité</b> de rengr. fam. Pio Mischi <i>(don Marco)</i> de rengr. fam. Martin Clara + Davide Dapoz + Paul Pezzei

### Cun i brac aspaná



Y canch'al vëgn indô a ciasa sön le lüch de sü geniturs, dailó ti salta bele le pere cun i brac aspaná adincuntra. "Mo sëgn messunse pö s'alegré y fá festa; deache to fre ê mort y vir indô, al ê pordü y é indô gnü cïafè." Insciö ti spliga le pere al ater fre sü sentimënc. Tigní na festa y s'alegré: chësc él ci che le pere fej, canche le fi vëgn indô a ciasa.

Por Gejú é le deport dl pere n ejëmpl por Chël Bel Dî: Idí s'alegréia por vignun/öna, che se cïafa le tru da jí da d'ël. Èl n'é nia n Dî che cospetëia o ti tira dant, mo un che é ligher y contënt, sce zacai chir süa vijinanza.

La tëma dl "fi pordü" é da pié ite cun les mans: Ci dij mo le pere? Me parel mo demez da ciasa? Co me castiëiel mo por mia berta?

L'incuntada, ch'al ne s'aspetà nia, ti mostra deperpo: De döt chël, da ci ch'al se temô, ne sozedel nia.

Gnanca na parora storta sora n'á le pere dessurora por so fi gnü derevers. Deperpo ligrëza y contentëza che le fi s'á cïafé le tru da gní a ciasa. *F.B.*